

申2
7941

醫
宗
備
要
(上)



序

治病之切脉猶治水之韝九河也九河
韝而後疏濬決排各當其可不至有
壅遏衝潰之虞南城曾香田鼎輯醫
宗備要一書原本李瀕湖脉學并及
傷寒大旨與玄歲氣風淫等法掇拾
精要洵醫法之權輿也顧其書刊于
嘉慶季年板已漫漶多謬脫余嘗往

來於吳越齊魯燕趙間西踰晉嶺南
浮粵海且居系師家久徧購是書不
可得所到之區遇號稱名醫者輿談
脉理言人之殊甚有謂脉為四診之
非所重者不知望色聞聲問症之餘
而終之以切脉猶吾儒於博學審問慎
思之後而極之以明辨也昨歲來鄂以
是書之有裨於醫病兩家爰屬喻

采庵大令諸嘯笙臬司獄詳加校
勘重付剞劂以廣流傳喻諸二君能不
河漢余言者必有扁鵲其人洞見垣一
方五藏癥結夫固可以診脈為名耳不
然指纜及腕而曰病在是矣豈非以人
性命為嘗試而醫之溺人不尤甚於水
之溺人哉是書其曷可廢乎因治己巳
中秋浙西何國琛序



治病定症務在診脈爲主論

古有曰人不可不知地又曰不可不知醫醫與地固非
易知也既不易知何世之言醫言地者紛紛如斯耶大
抵言醫言地以活人造福爲心者固不乏人以餬口謀
生計者亦強半皆是耳余不敏浸淫醫學五十餘載凡
所診治之病雖飲食寢處未敢斯須去懷蓋推測揣摩
實有無窮之蘊差毫釐而失千里此豈學醫者之所易
知哉內經醫之祖也天地氣運陰陽偏勝五行生剋五
邪六淫之變七情六鬱之由其精微幽渺無不包括其
中聖經云莫見乎隱莫顯乎微斯言也真可謂壽世至
寶矣何圖近日醫家竟以內經深奧視爲畏途又以漢
唐以來諸家各論浩繁而難覽卽最後之醫方集解等

書又以爲淺近非苦其深卽苦其繁復嫌其淺不知非
博無由約非深不能淺學醫之法已失其趨向又遑問
其道之能明乎且夫醫之法尤必以脈爲主非脈無以
爲斷醫之診脈猶地之點穴皆有差之毫釐失之千里
者然欲究明脈理必先從內經參透陰陽分清至數因
而積年累月練定指尖庶幾心手相應如春時肝脈爲
主病果在肝脈見浮弦外症雖重亦屬可治若沉緊則
不宜急數則大屬可危復診肺脈不尅腎水有生尙可
緩治有尅無生則萬無救也餘皆倣此其間之表裏補
瀉以及上從下下從上右從左左從右等法總不能外
乎脈夫脈旣切明則審脈用藥又不可過執古方亦不
可離背古方如小柴胡湯用豬膽爲引白虎湯用糯米

爲引二引之妙筆雖罄達卽嘉言以附子黃連瀉心湯
倣立肉桂桃仁熟軍當歸川羌爲通陰湯其效如神可
見能會其意亦不妨自我作古岳武穆云陣而後戰兵
家之常運用之妙存乎一心唯存救人濟世爲念雖難
知而亦易耳

診脈輕重之法

爲醫之道原立有望聞問切四法望者望其色聞者聞其聲問者問其由此三者言其外像之功幼科專以此爲要初生氣血未定臟腑未足脈無形可憑稍有受病多因胎氣不清或有風熱所閉乳食不調轉經蒸變有阻畧行清解自安是以爲芽兒之名必須兼看驚紋定治方無差悞至三歲後畧現一指之脈漸次長成氣血轉運驚紋散開方有三陰三陽寸關尺之分動靜爲脈盛衰得時氣血相和平安無恙偶有外邪必在臟腑不切何以知其陰在陽氣血盛衰標本強弱傳經分解必切然後可斷再至男女數滿後病症多端不可勝言尤重在切之一法凡人身外有三停上中下一停各有

三部身內左右手各有脈三部寸關尺一部各有三候
陰陽五行生死在此爲主切之一法較望聞問三法所
關更大矣近時反以切爲無關緊要不過戲臺上開場
之鑼鼓而已傷哉何忍言之大凡臨診時令病者仰放
一手不可側放側則至數不清醫者心靜氣和左診右
右診左輕輕放定三部先定關次定寸再定尺一部有
三候輕取一候按取二候重按取三候心指相應何部
何候相似何脈會明記定診畢將左右各部各候與外
症相符否再審輕重生尅若何可治與不可治病重脈
輕者雖重作輕脈與病俱重者務宜斟酌脈病人不病
者一病無救人病脈不病者非眞病也脈有側脈平按
不現者爲側脈兩關常有左屬肝右屬脾皆因傷氣所

致肝脈常現無碍肝主怒雖側可治脾脈一見多凶脾
主運有側難救一虛一實難易各殊寸尺則無側脈也
右診左不現將左指往關外推其脈必正再診其詳診
右亦然脈有六陽有六陰有反關全在診脈人心指靈
會通精達微其妙自出余數十年孜孜兀兀畧得脈理
之藩籬今老矣無能爲也每念及此尤覺茫乎而莫知
畔岸惟嘆年有限而心有餘因謬陳數言冀後賢君子
用存採擇或者爨下之桐亦可見賞於知音幸甚幸甚

婦科脈不同治

左手寸脈洪主心中有怒氣 關脈洪主心中有冷氣

尺脈洪主不孤眠 左手脈數大主孕有思 尺脈

小如線主作脹 右手寸脈洪主上焦有火咳嗽痰多

發熱 關脈洪主冷氣作痛 尺脈洪主有孕 尺脈

小主子宮冷 兩手一般洪緩而利主壽高 六脈俱

小如線主胃弱腰痛腦暈血敗

六脈洪大浮弦主風氣

左手洪大是男胎右手弦洪是女孕兩尺俱大分男共

女命門滑實主有孕

女人除此併胎前產後餘者與男同男左宜洪右宜

弱主大利女右宜洪左宜弱主大利男主氣女主血

婦人切不宜偏補氣

再婦人臨產之時兩手六脈俱不見須從其兩中指
指尖下些處用兩指側捻捻得有脈則真產矣否則
產時尙蚤切忌驚忙

此條已分列產論恐閱者忽畧故復記之

診婦人并胎前產後分辨宜與不宜

宜清不宜濁

宜緩不宜急

宜厚不宜薄

宜靜不宜燥

宜調不宜散

宜疎不宜緊

春夏宜旺

秋冬宜弱

少年宜旺

老年宜弱

初病宜旺

久病宜弱

男人宜左旺

女人宜右旺

胎前宜旺

產後宜弱

氣盛血不宜

血勝氣不宜

陽無陰不宜

陰無陽不宜

陰陽變不宜

氣血亂不宜



酒後不宜診

飯後不宜診

奔走不宜診

怒盛不宜診

以上二十六條凡初診者務先審其宜與不宜輕則
可治重則難救卽有可治者非斟酌盡善恐難察明

醫宗備要目錄

卷上

治病定症務在診脈爲主論

診脈輕重之法

婦科脈不同治

診婦人并胎前產後脈宜與不宜

瀕湖脈學

卷中

四言舉要

卷下

傷寒五法

五法問答



南京中醫藥大學圖書館版權所有

司天歲氣

五運六淫

五臟六味補瀉



北京中医药大学图书馆版权所有
1994

醫宗備要卷上

瀕湖脈學

浮陽

浮脈舉之有餘按之不足

經脈

如風吹鳥背上毛厭厭聶

聶

輕泛貌

如循榆莢

素問

如水漂木

崔氏

如捻葱葉

黎氏

浮脈法天有輕清在上之象在卦爲乾在時爲秋在人爲肺又謂之毛太過則中堅傍虛如循雞羽病在外也不及則氣來毛微病在中也脈訣言尋之如太過乃浮兼洪緊之象非浮也

體狀詩

浮脈惟從肉上行如循榆莢似毛輕三秋得

令知無恙久病逢之卻可驚

相類詩

浮如木在水中浮浮大中空乃是乳拍拍而